

大方等集經

第十一

九十一
讓四

47685




元祿九年丙子二月日重脩

皇圖聖圖 帝潛綴昌

佛日增輝 德輪常轉

山城州天安寺法金剛院置



大方等大集經卷第十一

讓

北涼天竺三藏曇無讖於姑威譯

海慧菩薩品第五之四



尔時海慧菩薩白佛言世尊菩薩摩訶薩若
有具足如是等見發何等願佛言善男子如
是之人如本發願菩薩摩訶薩若心在定若
不在定為衆生故如本發願善男子譬如人
有耳蔗稻田具滿一頃其地平正欲溉灌時
開其水口縱之令去更不施工自然周遍善
男子菩薩摩訶薩亦復如是若在定中繫心
思惟若不在定不思惟時為衆生故如本發
願所作善根悉皆願與衆生共之共已迴向



無上佛法菩薩心淨戒忍定慧亦復清淨觀
於佛法及諸衆生平等無二雖有是願初無
有心是故菩薩雖復無心於諸衆生而誓願
力未常不及所有善根悉與共之共已迴向
無上菩提善男子如娑羅樹有人斫伐根既
斷已隨斫而倒善男子菩薩摩訶薩亦復如
是修習三昧常向菩提假使有人唱言是樹
莫斫處墮是樹猶故隨斫處倒菩薩摩訶薩
亦復如是所修善法欲令不向無上菩提則
無是處何以故法性亦故菩薩摩訶薩所修
善法唯爲不斷三寶種性爲淨佛土爲莊嚴
身三十二相八十種好爲莊嚴口說法之時

衆生樂聞爲莊嚴心觀諸衆生平等無二爲
得佛法諸佛三昧菩薩雖不貪如是法而能
自然得如是法何以故誓願力故善男子譬
如陶師泥在輪時不得物名既成器已名隨
物立菩薩善法亦復如是未發願時則不能
得波羅蜜名是故菩薩一切善法要當發願
善男子譬如金師金未成器亦不得名及其
成已得瓔珞名菩薩善法亦復如是未發願
時則不能得波羅蜜名善男子譬如比丘欲
入滅定先立誓願我今入定若捷搥鳴乃當
起出而是定中無捷搥音以願力故鳴捷搥
時則便出定善男子菩薩摩訶薩亦復如是

衆生樂聞爲莊嚴心觀諸衆生平等無二爲
得佛法諸佛三昧菩薩雖不貪如是法而能
自然得如是法何以故誓願力故善男子譬
如陶師泥在輪時不得物名旣成器已名隨
物立菩薩善法亦復如是未發願時則不能
得波羅蜜名是故菩薩一切善法要當發願
善男子譬如金師金未成器亦不得名及其
成已得瓔珞名菩薩善法亦復如是未發願
時則不能得波羅蜜名善男子譬如比丘欲
入滅定先立誓願我今入定若捷搥鳴乃當
起出而是定中無捷搥音以願力故鳴捷搥
時則便出定善男子菩薩摩訶薩亦復如是

憐愍衆生作如是願諸未度者我當度之諸
未脫者我當脫之修菩提時入深三昧以大
悲力故念諸衆生不證聲聞辟支佛乘是故
菩薩雖復修習三十七品而不得果善男子
菩薩所行不可思議雖入深定亦不證得沙
門道果善男子譬如二人欲過猛火其一人
者著金剛鎧即能過之其一人者身被乾草
爲火所焚何以故草則易燒金則堅故菩薩
摩訶薩亦復如是憐愍衆生專念菩提莊嚴
甚深無量三昧以三昧力能過聲聞緣覺正
位不取果證從定起已得正覺道如來三昧
被乾草者喻於聲聞聲聞之人猷悔生死於

諸衆生無慈悲心是故不能過於聲聞緣覺
正位何以故二乘之人於福德中生知足想
菩薩之人於福德中心無厭足金剛鎧喻空
無相願大猛火者喻諸行法菩薩摩訶薩觀
一切法空無相願而能不證沙門道果世尊
菩薩摩訶薩具足是事不可思議修是三昧
而不取證行生死火不爲所燒菩薩摩訶薩
成就方便入一切定亦不爲定之所誑惑具
方便故雖行諸行心無染著雖爲邪見說沙
門果亦自不證沙門道果佛言善哉善哉實
如汝說善男子如三染汁盛以一器所謂羅
差鬱金青黛黑漆三種物所謂毳疊及憍奢耶

衣毳以漿浸則成青色。疊淨浣故成於黃色。僑奢耶衣先以灰浸則成赤色。如是三物雖同一器受色各異。善男子。三乘之人亦復如是。器者喻於空無相願。三種色者喻於聲聞緣覺菩薩。隨衣受色喻三種菩提。空無相願亦不生念與如是果不與是果。善男子。毳喻聲聞。疊喻緣覺。僑奢耶衣喻菩薩。乘菩薩摩訶薩見一切法如翳如盲。無有衆生如是見時心無染著。無有悔退。是時心中真實了知我於衆生非有利益非無利益。亦爲衆生修習大悲。善男子。譬如微妙淨琉璃寶雖復在泥。經歷百年其性常淨。出已如本。菩薩摩訶

薩亦復如是了知心相本性清淨客塵煩惱之所障汙而客煩惱實不能汙清淨之心猶珠在泥不爲泥汙菩薩摩訶薩作如是念若我心性煩惱汙者我當去何能化衆生是故菩薩常樂修習福德莊嚴樂在諸有供養三寶樂爲衆生趨走供使於生貪處不起貪心護持正法樂行惠施具足淨戒莊嚴忍辱勤行精進莊嚴禪枝修習智慧多聞無厭清淨梵行修大神通三十七品善男子菩薩摩訶薩行如是法不爲煩惱之所染汙不著三界菩薩摩訶薩行善方便功德力故雖行三界身心不汙善男子譬如長者唯有一子心甚

愛念其子遊戲誤墜土園廁時母見已惡穢不
淨父後見之呵責其母即便入廁牽之令出
出已淨洗愛因緣故忘其臭穢善男子長者
父母喻於聲聞緣覺菩薩廁喻三界子喻衆
生母不能拔喻聲聞緣覺父能拔濟喻諸菩
薩愛因緣者喻於大悲菩薩摩訶薩具善方
便入於三界不為三界之所染汙是故道有
二種一者聲聞二者菩薩聲聞道者馱於三
界菩薩道者不馱三界善男子菩薩修習空
無相願雖行諸有不墮於有既不墮有復不
取證行三界者是名方便不取證者是名智
慧善男子菩薩摩訶薩觀一切法無有二相

若觀法等衆生亦等如是等者涅槃亦等是
名智慧若能如是等觀衆生不證涅槃是名
方便清淨惠施是名爲慧發願迴向是名方
便卅尊云何施名爲清淨智慧清淨方便善
男子菩薩若見無我衆生壽命士夫是名爲
慧若修習空無相無願以諸善根願及衆生
迴向菩提是名方便復次善男子知諸衆生
下中上根是名爲慧知己隨意而爲說法是
名方便淨智慧故雖行諸有心無染著淨方
便故雖修二乘不證其果善男子若能不爲
一切煩惱之所汙染是名爲慧能調衆生悉
令趣向阿耨多羅三藐三菩提是名方便善

薩發願悉令衆生得無盡財無盡福德增長
善根諸學無學聲聞緣覺一切菩薩隨意得
法名淨方便若能受持一切佛法廣分別說
無窮盡說無障礙說不空而說隨樂而說是
名淨慧菩薩摩訶薩生生之處不失無上菩
提之心是名淨慧生生之處所作善法願及
衆生名淨方便淨慧因緣知菩提心無住無
根淨方便故化諸衆生趣於菩提世尊菩薩
摩訶薩若具如是二淨所作諸業無非菩提
何以故一切法中悉有閻障壞閻障故即是
菩提是故菩薩常不遠離於菩提也菩薩若
作如是念言我雖菩提當知是人不得菩提

若念我今有菩提者是人菩提有淨不淨若能如是觀諸法者即得菩提即是淨智方便也善男子過去無量阿僧祇劫有佛出世号無邊光如來應正遍知明行足善逝世間解無上士調御丈夫天人師佛世尊土名不眇劫名光味尔時世尊初坐道場菩提樹下未成佛時十方世界一生補處不退菩薩悉共覩見來至其所以種種華而供養之華處空中高七多羅樹成佛道已放大光明遍照十方十方世界多有諸天見佛光已各作是言無邊光佛真實出世彼佛世界莊嚴麗饒如彼他化自在天宮彼劫初時過十千年有佛

出世号曰光味是故此劫名曰光味善男子
光味劫中有十四億諸佛如來出現於世其
佛世界有九萬六千小國一一國土縱廣八
萬四千由旬一一國有八萬四千城其城縱
廣滿一由旬一一城中居止人民八萬四千
彼土具足如是等事其土純以四寶校餽所
謂金銀琉璃玻瓈多饒飲食無所乏少其土
人民無我我所猶如北方鬱單越土其佛壽
命滿十中劫聲聞大衆九萬六千億菩薩大
衆萬二千億土有二城一名樂二名淨其佛
世尊生於淨城住於樂城其土有王名曰淨
聲七寶具足統領三千大千世界後宮姝女

三萬六千姿顏端嚴如天無別有十萬子雄
猛勇健悉皆具半那羅延力各各成就二十
八相一切皆發阿耨多羅三藐三菩提心有
八萬女清淨無穢形容瓊異如天無差一切
亦發阿耨多羅三藐三菩提心其王今時經
二劫中供養如來及聲聞菩薩大衆為如來

故造作寶坊滿五由旬是寶坊中復有寶樓
其數十萬為供養僧今時聖王與其眷屬一
切皆修清淨梵行時佛教化無量衆生於大
乘法復化無數於聲聞乘今時其王供養佛
已與諸眷屬俱至佛所頭面禮足右遶恭敬
長跪合掌白佛言世尊云何菩薩修行大乘

不隨他語云何菩薩生得畢竟云何菩薩得
無所住云何菩薩得無動慧云何菩薩得清
淨慧云何菩薩力能遠見云何菩薩諸根猛
利云何菩薩具足佛土云何菩薩行不放逸
云何菩薩聞甚深法心不怖畏云何菩薩得
名菩薩佛言大王有四事法修行大乘不隨
他語何等爲四一者具足聖信出於世界二
者具足智慧觀諸法性三者具諸神通四者
修淨精進爲化衆生大王菩薩具足如是四
法修行大乘不隨他語復有四法生得畢竟
何等爲四一者知於善法爲調伏心二者不
貪已樂三者爲諸衆生修習慈悲四者常樂

大乘是名爲四大王復有四法得無所住何等爲四一淨於心二淨莊嚴三離虛誑四修堅慧爲具福德是名四法大王復有四法得淨智慧何等爲四一者淨眼二者以四攝法攝取衆生三者淨身三十二相八十種好四淨佛土觀淨法界是名爲四大王復有四法能得遠見諸根猛利何等爲四一者念菩提樹下不捨菩提心二者念佛智慧亦不著智三念法身修習於空無相無願四者念佛涅槃於生死中心無猒悔是名爲四大王復有四法具足佛土行不放逸何等爲四一者受帝釋身爲化諸天令不放逸二者受梵天身

爲化諸梵令不放逸三者受轉輪王身爲化
衆生令不放逸四者受於大呂長者之身具
足珍寶爲化衆生令不放逸是名爲四大王
復有四法聞甚深法心不怖畏何等爲四一
者親近善友二者善友爲說甚深佛法三者
善能思惟四者如法而住是名爲四大王復
有四法得菩薩名何等爲四一者求波羅蜜
二者爲諸衆生修習悲心三者樂求佛法四
者化衆生時心不厭悔是名爲四善男子時
淨聲王從彼如來聞是法已及諸眷屬一切
皆得無生法忍捨其國土於佛法中出家修
道尔時世尊告彼王言大王汝今出家即是

報佛若能如是生信捨離是名大報是大功
德多所利益大王菩薩出家有二十四利益
之事何等爲二十四一者捨於世事得大自
在二者捨於煩惱獲得解脫三者身服染衣
得無染道四者具足四事得四聖種五者樂
於頭陲遠離一切大欲惡欲六者不捨戒聚
受人天樂七者不捨菩提獲得佛法八者常
樂寂靜離世談語九者不著法故得大淨心
十者具足禪枝得禪定故十一者求於多聞
得智慧故十二者破壞憍慢得智慧故十三
者破除邪見得正見故十四者不生覺觀爲
真實知諸法界故十五者等觀衆生得大慈

故十六者化諸衆生心無疲倦得大悲故十七者不惜身命爲護法故十八者寂靜其心爲得神通故十九者念於如來爲見佛故二十者修善思惟爲得十二緣深智慧故二十一者得於順忍二十二者得無生忍二十三
者信一切功德二十四者得佛智慧是名二十四善男子
爾時聖王聞是法已轉以教化一切男女眷屬臣民時彼國中有九萬九千億衆生悉共出家善男子淨聲比丘既出家已復白佛言世尊我今云何得名出家佛言比丘汝名淨聲當淨自界自界既淨則名比丘則名出家
爾時比丘聞佛說已心樂寂靜

作是思惟界者即眼觀眼空者即是淨界夫
淨界者即是佛土耳鼻舌身亦復如是意者
即界若觀意空即是淨界夫淨界者即是佛
土即是一界即是空界即衆生界即無相界
即無願界即無作界即無爲界善男子淨聲
比丘如是觀已即時獲得身輕心輕身心輕
已得無量神通得神通已得樂說無礙陁羅
尼門善男子汝知今時淨聲比丘豈異人乎
即汝身是男女眷屬即汝所將來菩薩聽法
衆是說是伊帝目多伽時萬八千人發阿耨
多羅三藐三菩提心八千衆生得無生忍善
男子若有欲得阿耨多羅三藐三菩提者當

如法說如說而住去何名為如法而說如說
而住善男子若有人言我當作佛請諸衆生
許以法味請已不能受持讀誦分別解說微
妙經典不能護持清淨禁戒勤修精進不修
知足於善法中少得知足是名欺誑不如法
說不如說住若有人言我當作佛請諸衆生
許以法味請已受持讀誦演說護持禁戒勤
修精進少欲知足多得善法不生足想是名
不誑如法而說如說而住善男子譬如國王
多請賓客請已不設供賓之具賓客既至方
云未辦於是賓客各作是言昨受王請家不
設食今赴王信復無所得呵責愁恚怨歎啼

泣善男子菩薩摩訶薩請諸衆生許以法食
不求多聞持戒精進不修三十七助道法衆
聖呵責人天涕泣善男子菩薩摩訶薩若能
如作應如作說不應欺誑一切衆生復次善
男子復有衆生請求菩薩爲我說法菩薩許
言當爲汝說許已放逸衆生既見菩薩放逸
即便勸喻既勸喻已方爲說法說時或問甚
深之義以放逸故而不能答不能答故心生
慚愧護於身心誑於衆生而便捨離善男子
菩薩若欲如說而住無惜身心以護衆生善
男子過去世有一師子王住深山洞常作是
念我是一切獸中之王力能視護一切諸獸

時彼山中有二獼猴共生二子時二獼猴向
師子王作如是言王若能護一切獸者我今
二子以相委付我欲餘行求覓飲食時師子
王即便許可時彼獼猴留其二子付彼獸王
即捨而行是時山中有一鷲王名利見師子
王眠即便搏取獼猴二子處嶮而住時王寤
已即向鷲王而說偈言

我今啓請大鷲王

唯願至心受我語

幸見爲故放捨之

莫令失信生慚耻

鷲王說偈報師子王

我能飛行遊虛空

已過汝界心無畏

若必護是二子者

爲我故應捨是身

師子王言

我今爲護是二子

若我護身而妄語

說是偈已即至高處欲捨其身

今時鷲王復說偈言

若爲他故捨身命

是人即受無上樂

我今施汝獼猴子

願大法王莫自害

善男子時師子王即我身是雄獼猴者即迦

葉是雌獼猴者善護比丘尼是二獼猴子即

今阿難羅睺羅是時鷲王者即舍利弗是善

男子菩薩爲護是依止者不惜身命善男子

去何名爲如說而作菩薩若言我當惠施即

捨身不惜如枯草

云何得稱如說行

便大施是名菩薩如說而作菩薩若言我能
持戒即化一切同已護戒是名菩薩如說而
作菩薩若言我修忍辱即化衆生同修忍辱
是名菩薩如說而作菩薩若言我懃精進為
於佛法即化衆生同修精進為於佛法是名
菩薩如說而作菩薩若言我修禪定即化衆
生除去亂心修習禪定是名菩薩如說而作
菩薩若言我修智慧如法分別是名菩薩如
說而作善男子菩薩若言我當壞破一切惡
法即便修習一切善法是名菩薩如說而作
善男子能莊嚴者名為如說能畢竟者名為
如作能發心者名為如說得果證者名為如

作能淨心者名為如說能至心者名為如作
能發心者名為如說不退心者名為如作至
心聽法名為如說聞已如住名為如作能淨
口者名為如說能淨身者名為如作初受戒
者名為如說至心護持名為如作發菩提心
名為如說行菩薩道是名如作得住忍地名
為如說住不退地名為如作得一生身名為
如說得後邊身名為如作趣菩提樹名為如
說得菩提果名為如作善男子是名菩薩如
法而說如說而作說是法時五百菩薩住無
生忍地尔時會中有一菩薩名曰蓮華白佛
言世尊如佛所說如說如作不可思議如佛

所住即是如說即是如作善男子汝於是事
能了知不已知世尊若知正法是真實者名
如法住山王菩薩言世尊無所住法名如法
住何以故見一切法無有覺故以無覺故不
見一法名之爲覺若無一法云何有住若如
是見名如法住福德王菩薩言世尊若隨心
者非如法住若有菩薩觀意如幻名爲無住
若無住者名如法住燃燈菩薩言世尊無有
貪心名如法住云何貪心謂於法中有損有
益若無貪心名如法住日子菩薩言世尊若
有菩薩有所著者是名爲動若於法中心無
所著是名無動若無有動名如法住勇健菩

薩言世尊一切世間皆隨心行若知心行名
如法任樂見菩薩言世尊如佛所說因受受
苦若能不受諸受則斷若能不取諸取則斷
雖不受受不捨衆生名如法任香象王菩薩
言世尊一切衆生悉有重擔所謂五陰若有
能知五陰真實為壞陰見棄捐重擔而於諸
法亦無擔想名如法任持世菩薩言世尊若
行世間非如法任若正莊嚴名如法任正莊
嚴者見一切法等如虛空堅意菩薩言世尊
若有菩薩不生於生不滅於滅亦復不見生
滅之性名如法任光明遍照高貴德王菩薩
言若能知見真實涅槃見法是滅及無生滅

一切衆生悉有佛性爲趣菩提而修莊嚴名
如法住光無礙菩薩言世尊若有行處即是
魔業非如法住若無行處則壞魔業若壞魔
業名如法住淨進菩薩言世尊若作念言我
當得法爲是淨法勤行精進如是精進是空
精進若能觀察諸法不定以是不定勤修精
進名如法住過三惡道菩薩言世尊一切諸
法無作無變無覺無觀無覺觀者名爲心性
若見衆生心性本淨名如法住不可思惟菩
薩言世尊知諸衆生一切心性不作心想名
不可思惟而思惟也若能於是不思惟中而
思惟者名如法住樂寂靜菩薩言世尊若有

菩薩淨諸心界是則能離一切諸漏若能遠
離一切漏者是名正行若正行者名如法住
商主菩薩言世尊菩薩若有善清淨法福德
莊嚴智慧莊嚴觀二莊嚴平等無二以功德
等觀智慧等以智慧等觀功德等無差別者
名如法住維摩詰菩薩言世尊不觀於二名
如法住若於法界不壞不別名如法住依義
菩薩言世尊若有菩薩依於正義不依於字
為正義故受持讀誦廣說八萬四千法聚無
失無動名如法住淨意菩薩言世尊若有善
薩發菩提心至心擁護是菩提心修菩提時
知諸法性夫法性者非處非非處名如法住

畢竟淨意菩薩言世尊若有菩薩遠離垢穢
如浣去垢能令煩惱不汙其心名畢竟淨其
心淨已隨菩提行名如法住海慧菩薩言世
尊若有親近惡知識者非如法住不修聖法
非如法住若近惡友則行魔業墮於魔處世
尊若有欲離一切魔業諸魔行處諸惡法者
當近善友佛言善男子汝今真知魔業行不
已知世尊善男子汝今當為無量菩薩大衆
而說世尊夫魔業者即是眼色若人見色生
貪著心即是魔業乃至意法亦復如是復次
世尊菩薩修行檀波羅蜜時不愛之物持用
惠施所愛財貨貪悋不捨愛者則施惠者不

與分別受者及以財物若有分別如是二者
是名魔業復次世尊菩薩修行尸波羅蜜時
護持禁戒近持戒者讚歎己身毀訾破戒是
名魔業復次世尊菩薩修行忍波羅蜜時於
大力者能生忍辱於少力者不能生忍見大
力者濡語謙下見少力者麁語輕慢是名魔
業復次世尊菩薩修行進波羅蜜時說聲聞
乘說緣覺乘說菩薩乘修菩提時輕慢聲聞
辟支佛乘口不宣說樂於世行不樂供養恭
敬三寶所謂華香幡蓋伎樂尊重讚歎不求
多聞見多聞者不能親近是名魔業復次世
尊菩薩修行禪波羅蜜時獲得禪定不能調

伏一切衆生心生悔厭貪著禪樂呵說法者
不樂講論讚歎寂靜貪著禪味呵毀二界愛
無色身壽命極長不見諸佛不聞正法遠離
善友不知方便受捨修捨是名魔業復次世
尊菩薩修行般若波羅蜜時知於因果不以
四攝攝取衆生而調伏之不知衆生上中下
根是名魔業復次世尊菩薩若樂空閑寂靜
樂寂靜已受寂靜樂不樂聽法說法問疑以
寂靜故煩惱不起以不起故不知知想不離
離想不證證想不修修想不得實義是名
魔業復次世尊菩薩若有修習多聞好語樂
語微妙之語軟語喜語若為衣食卧具利養

而演說法若有信解能至心聽而不爲說若有放逸致供養者便爲說之可爲說者而不爲說不可說者反爲說之是名魔業復次世尊若有菩薩說法之時秘藏深義有諸天人得他心智知已不悅即作是念我爲如來真正法來不爲世間淺近語來是人欲毀如來

正法不能增長若人有毀佛正法者我不樂見聞其所說即便捨去是名魔業復次世尊若有菩薩於惡知識作善友想惡知識者不以四攝攝取衆生不修多聞不化衆生不說出法樂說世語不知法不知時不知義是名魔業復次世尊惡知識者不能開示分別解說聲

聞緣覺菩薩佛法不化衆生令修慈悲遠離
八難修行施戒柔濡語言親近平等教忍無
力說言佛道甚為難得無量世中勤苦乃獲
是名惡友名為魔業復次世尊菩薩若有憍
慢之心以憍慢故不能供養佛法衆僧師長
和上父母長宿同學同師若見勝已不能親
近聽法問疑是故雖聞聞已便失見已下者
親近愛念是故惡法漸漸增長惡法增故遠
離善法世尊譬如大海漸漸深故一切諸流
悉共歸之菩薩壞憍慢亦復如是漸漸增長
一切善法菩薩若不壞憍慢者是名魔業世
尊譬如有人高原陸地種瞻波樹水常行處

復作坵塘地既高燥又不得水漸漸枯黃不能增長世尊菩薩摩訶薩亦復如是憍慢增故不親善友不聞正法雖聞復失復次世尊菩薩摩訶薩身色具足端政自在多有眷屬福德莊嚴未能具足智慧莊嚴以是因緣生於憍慢以憍慢故若有菩薩具智莊嚴思惟正法身體羸瘠見已輕慢不能供養以是因緣復增憍慢無明放逸不調魔業如是菩薩為色生慢是名魔業尔時世尊告海慧菩薩言善哉善哉善男子善能分別宣說魔業善男子至心諦聽吾今當說壞魔業道善男子一切諸法其性空寂若知諸法其性空已不

知一切衆生皆空既知空已而修慈心調伏
自身是名菩薩破壞魔業若觀諸法性是無
相而為衆生修習慈心是名菩薩破壞魔業
若觀諸法性是無願為諸衆生至心求有既
求有已隨而調伏是名菩薩能壞魔業觀一
切法性是無貪衆生之性亦復無貪為調伏
貪而攝取之是名菩薩能壞魔業若觀諸法
性是無恚衆生之性亦復無恚為調伏恚而
攝取之是名菩薩能壞魔業若觀諸法性是
無癡衆生之性亦復無癡為調伏癡而攝取
之是名菩薩能壞魔業觀諸法性無生無滅
壞生滅故宣說正法是名菩薩能壞魔業觀

一切法性是平等雖說三乘不捨大乘是名
菩薩能壞魔業若不貪著心意識等亦能遠
離一切因緣為諸眾生得解脫故修治莊嚴
雖過諸行終不捨離菩薩所行是名菩薩能
壞魔業說是法時天魔波旬莊嚴四兵來趣
寶坊如先趣向菩提樹時如來見已告海慧
言汝說魔業我說壞魔以是因緣魔王波旬
莊嚴四兵而來至此欲設何計以當衛之海
慧菩薩言世尊我今欲持魔王波旬及其眷
屬且莊嚴國我身當住魔所住處今時舍利
弗言善男子莊嚴世界去此遠近佛号何等
舍利弗在此東方過於十二恒河沙等世界

其土有佛号破疑淨光今現在世為諸菩薩
說淨菩薩行彼國三千大千世界有一億魔
一一魔王有十千億人兵眷屬其佛初坐菩
提樹時如是諸魔悉共莊嚴至菩薩所尔時
菩薩先為諸魔講宣正典令其得住不退轉
地然後乃成阿耨多羅三藐三菩提轉正法
輪彼佛世尊其大弟子及侍使者亦悉是魔
如是等魔悉能教化調伏衆生是故我今取
魔波旬安置彼土為欲壞其所行魔業莊嚴
如來無上正法時魔波旬聞是語已心生恐
怖四望顧視欲求退處四方障礙不得從意
復欲滅身亦不能得方計不立倍復生據白

佛言世尊唯願大慈少見救護佛言波旬我
於此事不得自在汝當歸向海慧菩薩求哀
懺悔時魔波旬即向海慧合掌而言善男子
我從今日不敢復作如是魔業唯願仁者聽
我懺悔海慧菩薩言我於汝所都無瞋心菩
薩之法常應忍辱一切衆生波旬汝可往彼
禮覲彼佛汝身當得無量利益尔時菩薩即
以右手摩其頂上作如是言若諸菩薩於諸
法中無貪恪者以我神通令汝必至彼佛世
界言已波旬即至彼土既至彼土見佛敬禮
却任一面彼諸菩薩白佛言世尊何等國土
有如是等不淨之人而來至此佛言善男子

西方過十二恒河沙等諸佛世界彼有世界
名曰娑婆佛号釋迦牟尼為過數量諸菩薩
等說大集經彼有菩薩名曰海慧說魔業時
是魔莊嚴四種兵眾來至會所海慧菩薩以
神通力移來至此彼世界中諸菩薩等語波
旬言善男子汝今宜發阿耨多羅三藐三菩
提心遠離魔業我當與汝共為同學時魔波
旬聞是語已即發阿耨多羅三藐三菩提心
時諸菩薩即請波旬昇師子座問波旬言承
彼如來為諸大眾說大集經斯有何事唯仁
說之時魔波旬以海慧菩薩神通力故宣說
所聞乃至不失一句一字彼諸菩薩即白佛

言我等願樂欲見彼佛釋迦牟尼及衆菩薩
彼佛即告諸菩薩言且待須臾自當得見此
寶坊中諸菩薩等復白佛言世尊我等欲見
魔王波旬於彼世界爲何所作爾時世尊觀
此彼界衆生心已告海慧菩薩言善男子汝
今當以此佛世界示彼菩薩爾時海慧菩薩
即於十指放大光明其光即過十二恒河沙
等諸佛世界遍照彼土此間大衆悉見彼土
佛及菩薩魔王波旬麴師子座說大集經時
諸菩薩即從坐起向彼如來頭面敬禮散種
種華而以供養所散諸華當彼佛上變成華
臺彼諸菩薩見是華臺即白佛言世尊如是

華臺從何處來佛言善男子娑婆世界諸菩
薩衆所散供養諸菩薩言世尊云何今我得
見彼土娑婆世界佛言善男子汝等今當敬
禮是光至心念持自當得見彼佛世界時彼
菩薩如佛所言敬禮光明至心念持即得見
此娑婆世界見已即起禮釋迦牟尼佛以諸
香華遙供養之又見三千大千世界淨水澄
滿猶如大海彼所散華至此世界大寶坊中
當如來上變成寶蓋時魔波旬白彼佛言世
尊我當云何還彼世界佛言善男子若欲還
者應當至心念於海慧時魔波旬至心念於
海慧菩薩念已即得還此世界時舍利弗見

魔波旬即作是言波旬汝得見彼佛世界不
波旬言舍利弗我已見之及見彼土清淨菩
薩所住之處舍利弗言汝於彼土作魔業不
大德我至彼土至心懃求無上菩提何緣復
得造作魔業若有至心求菩提時見魔業者
是人則得勤修精進此界大眾見魔波旬還
來至此六万衆生十千魔衆同共發阿耨多
羅三藐三菩提心作如是言願我等輩所受
身形如彼菩薩身形無異海慧菩薩言世尊
為阿耨多羅三藐三菩提多有怨敵善哉世
尊為護法故建立神通以神通力故是經當
得久住於世佛言善男子我今所立善願神

通為諸衆生種於善根今時世尊告四天王
汝等當知若我弟子比丘比丘尼優婆塞優
婆夷受持讀誦書寫廣說如是等經汝等四
王當深護助無為欲樂而作放逸吾今出世
為壞放逸護正法故而說呪曰所謂

三咩

音羊鳴

三摩三咩

沫頓祢

婆羅跋垓

陀祢

陀那跋垓

投弥陀那跋垓

阿婆

散提

阿摩隸

毗摩隸

闍毗羅提

迦

羅提

迦羅那

阿梨

阿羅跋垓

阿隸

婆散提涅伽旦尼

阿跋垓

沫提

摩呼

沫提摩羅夷提

毗首提

毗首提跋垓

尼薩隸

莫罕涅

善男子是名四天王呪若有法師受持是經
當誦是呪誦已修慈緣念十方至心念於四
天王等亦時四王當示其夢或自往護時四
天王白佛言世尊我等同四王聞是呪已即與
眷屬至法師所擁護侍衛若是法師所須資
生我當方便令其得之遠離病苦身受安樂
亦時世尊告海慧菩薩善男子汝今至心聽
帝釋呪所謂

闍耶 闍耶末 阿跋 跋 跋 跋 摩 拘 隸

斯 陁 跋 圪 輸 泥 羶 帝 羯 隸 檀 提 曇 摩

尼 多 迦 隸 义 耶 义 耶 目 佉 阿 跋 蒂

那 涅 伽 蒂 那 莎 圪 莎 圪 散 提

來憍尸迦阿修羅壞諸天則勝諸天勝故佛法
增長憍尸迦欲受安樂當護正法善男子是
名釋呪善男子若有法師欲說法時當先洗
浴令身淨潔持妙香華正東而禮一心憶念
十方諸佛慈心普及一切衆生然後乃昇師
子法座誦如是呪而作是言憍尸迦來四天
王來爲諸大衆除却障礙消滅煩惱尔時帝
釋及四天王念法師故即便共來是故大衆
樂聞說法善男子汝今復聽十方諸魔及眷
屬呪所謂 奢咩 奢摩跋坵 奢摩蜜帶
阿浮隸 摩羅欵坵 瞞崛隸 婆羅綿
迦由犁 坵祁跋坵 阿盧迦尼 比舍荼

居 居末 阿跋持 區區 伽羅薩

居 憂目 奢蜜 波羅目 槃檀那

涅伽熙 奢摩施

如是呪者力能繫縛一切論師一切魔衆是

名佛印不可破壞魔眷屬怨善男子若有法

師受持讀誦如是等呪昇師子座專念諸佛

慈及衆生自於己身生醫師想於所說法生

良藥想於聽法者生疾苦想於如來所生善

友想於正法中生常恒想若能如是說正法

時其剷四邊各一由旬魔不能到時魔波旬

白佛言世尊若佛弟子有能讀誦如是神呪

其身清淨我當擁護不作魔業我以海慧神

通力故捨於魔業隨有國土城邑村落說是
法處我當化身親往聽受佛言善哉善哉波
旬汝若能得如是心者則壞魔業亦當獲得
如是等法善男子復當至心聽梵天呪所謂
迷多伽隸 迦樓那伽隸 無經多伽隸
憂比义伽隸 佛陀伽隸 曇摩伽隸 僧

伽伽隸 蘓羯多毗闍耶 摩訶毗檀尼
毗獸提目公尼波隸陀耶 烏闍跋垓 烏
闍嚴弥 捺檀尼 曇摩波垓吒跋尼 薩
遮垓憂波跋垓毗獸垓 莎折多憂波舍弥
烏盧迦耶梵摩毗盧迦耶梵摩
若欲具足受持如是梵天呪者當行梵行清

淨持戒讀誦是呪請召梵天梵天汝來擁護
如是大衆令其至心樂聽正法念於三寶轉
正法輪護持法城若有法師能調諸根至心
淨護身口意等勤修戒忍精進多聞發菩提
心修四無量昇於法座誦如是呪誦是呪已
梵天王等與諸眷屬悉來集會是講法所介
時梵王白佛言世尊若有法師讀誦是呪我
在初禪聞是呪已當捨定樂而往其所當施
八法何等爲八一者施念持所聞故二者施
慧思惟深法故三者施解分別深義故四者
施樂說無礙爲壞疑心故五者施辭無礙爲
解一切衆生語故六者施無所畏爲衆無勝

故七者施法光明爲不謬說故八者施其不
謬授記卅尊我等亦能廣宣是法善男子我
涅槃後如是等天當護正法海慧菩薩言卅
尊如來正覺涅槃之後若有信者應以此法
付囑其人令得久住卅時卅尊眉間白毫放
大光明遍照三千大千世界如來化身充滿
其中三十二相八十種好具足莊嚴數如三
千大千世界一切卉木莖節枝葉是諸化佛
同作是言十方諸佛釋迦如來同願正法久
住於卅何以故雖有一切惡魔眷屬不能破
壞如是等法大地可壞大海可燒須彌山王
可碎如塵衆生諸心可合是一虛空可盡四

大可轉諸佛誓願不可變易尔時世尊即告
阿難汝當受持如是等經讀誦廣說海慧菩
薩言世尊今此會中多有無量諸大菩薩如
來何緣願命阿難令受持之時諸大眾咸有
疑心海慧阿難誰念心多尔時世尊知聚會
疑告大迦葉三千大千世界衆生數為多不
甚多世尊迦葉假使如是無量衆生悉得人
身常問如來如來所說不可窮盡無有障礙
善男子如天降雨無有障礙一切衆流歸集
大海而是大海無增無減海慧菩薩所可受
持十方佛法亦復如是迦葉假使三千大千
世界所有衆生具足揔持如阿難等欲比海

慧所受持法百分千分百千万分不及其一說
是語時百千衆生發阿耨多羅三藐三菩提
心以妙華香貢上供養海慧菩薩爾時蓮華
菩薩白佛言世尊若有人能信順受持讀誦
書寫解說其義供養恭敬如是經者得幾所
福尔時世尊即說偈言

若滿三千大千界
不如信順是經典
四法所成諸功德
發菩提心常法施
佛說四法無邊量
虛空之性衆生界

七寶奉施十方佛
受持讀誦福多彼
佛說無量無邊數
如法而住修習悲
智者聞已不怖畏
如來正智菩提心

說如是等法寶聚時十方所來諸菩薩等以
妙香華種種伎樂供養於佛尊重讚歎作如
是言世尊若有人能受持讀誦書寫解說如
是等經所得功德不可稱量十方諸佛說不
能盡何以故世尊衆生若聞如是等經無有
不發阿耨多羅三藐三菩提心者是故此經
名大寶聚時一切大衆人天一切聲聞及
阿難等諸迦樓羅乾闥婆等及世間人間經
歡喜信受奉行

大方等大集經卷第十一

讓

稻田

上音

道

漑灌

上音

既

又古

受反

捷椎

上音

軋 正 下 直 追 反 鎧 反 苦 改 苦 愛 二 毳 疊 上 昌 歲 反

正 毛 布 也 澆 澆 反 二 同 玄 伴 也 清 廁 下 上 正 初 使 反 圓

瞬 目 二 動 同 音 舜 瑣 異 作 上 古 回 反 正 搏 持 音 博 也

捉 棄 捐 下 上 音 奔 摩 詰 下 起 反 毀 訾 作 下 音 紫 訶 也 輕

箴 反 下 莫 結 圪 塘 音 上 正 壅 作 堤 音 伍 水 也 燦 燥 蘇 老 同

及 乾 羸 濟 下 上 才 力 垂 反 瘦 病 也 懷 懼 也 咩 尔 免

鳴 音 羊 紉 乃 札 跛 反 必 我 圪 下 札 反 隸 零 帝 羶 延 詩

反 帶 帝 音 莎 蘇 和 帶 反 直 計 欵 反 許 勿 暮 登 緝 徒 延

反 又 徒 邾 反 渠 又 企 反 丘 智 紘 平 聲 卉 木 反 上 百 草

總 計 反 又 徒 邾 反 渠 又 企 反 丘 智 紘 平 聲 卉 木 反 上 百 草



猪飼順良寄附

